

26 June 2025

Beste Owerheid / Staatsinstansie / Geïntereseerde en Belanghebbende Party

KENNISGEWING VAN AANSOEK OM 'N PERMIT VIR BESKERMDE BOME, FLORA EN FAUNA EN FINALISERING VAN DIE OMGEWINGSBESTUURSPROGRAM (OBP) VIR DIE VOORGESTELDE KATHU FOTOVOLTAÏSE SONKRAG AANVULLINGS-AANLEG OP DIE PLAAS KATHU NR. 465, BINNE DIE GAMAGARA PLAASLIKE MUNISIPALITEIT, NOORD-KAAP PROVINSIE

Zutari (Edms) Bpk (Zutari) gee hiermee kennis ingevolge die Omgewingsimpakbepaling (OIB) Regulasies, 2014, kragtens die Wet op Nasionale Omgewingsbestuur (Nr. 107 van 1998) ("NEMA"), dat **Kathu Solar Park (RF) (Edms) Bpk (KSP)** aansoek doen vir die volgende vir die voorgestelde projek:

- ▶ Permite vir die verwydering van beskermde bome, fauna en flora, ingevolge die Nasionale Boswet, 1998 (Wet Nr. 94 van 1998 ("NFA")).
- ▶ Finalisering van die Omgewingsbestuursprogram (OBP) wat ingedien is as deel van die Basiese Impakbepalingsproses wat op 3 September 2024 goedgekeur is, om Voorwaarde 15 van die Omgewingsmagtiging (OM) te bevredig.

Die volgende KSP-aansoeke is vir openbare kommentaar beskikbaar gestel van 17 April 2025 tot 23 Mei 2025:

- ▶ Wysiging van Voorwaarde 16.1 van die OM (Verwysing: **14/12/16/3/3/1/2985**) wat op 3 September 2024 uitgereik is.
- ▶ Finalisering van die Omgewingsbestuursprogram (OBP) wat ingedien is as deel van die Basiese Impakbepalingsproses wat op dieselfde datum gemagtig is, om Voorwaarde 15 van die OM te bevredig.
- ▶ Permite vir die verwydering van beskermde bome ingevolge die Nasionale Boswet, 1998 (Wet Nr. 94 van 1998 ("NFA")).

Die Departement van Bosbou, Visserye en Omgewing (DBVO) het egter aangedui dat die OBP slegs wettiglik gefinaliseer kan word ná die besluit oor die wysiging van die OM, wat op 28 Mei 2025 ontvang is. Gevolglik moes die aansoek om finalisering van die OBP teruggetrek word. Noudat die besluit oor die OM-wysiging gefinaliseer is, is die OBP weer beskikbaar vir 'n nuwe ronde van openbare deelname.

Verder, as gevolg van die insluiting van 'n provinsiale permit vir die verwydering van beskermde flora en fauna, word die aansoek vir die verwyderingspermit beskikbaar gestel vir openbare kommentaar in ooreenstemming met wetlike vereistes.

Die aansoek ingevolge die NFA [aan die Departement van Bosbou, Visserye en die Omgewing (DBVO), Bosafdeling] is vir die verwydering van 347 geïdentifiseerde beskermde bome (*Boscia albitrunca* Witgatbome en *Vachellia erioloba* Kameeldoringbome) binne die gemagtigde projekvoetspoor. Die Geïntegreerde Permitaansoek aan die Noord-Kaap Departement van Omgewing en Natuurbewaring is vir verwydering van die volgende beskermde spesies: *Aloe grandidentata*, *Dipcadi* sp. *Lampranthus stipulaceus*, *Sansevieria* sp. *Stapelia* sp. *Boscia albitrunca*, *Glaucidium perlatum*, *Plocepasser mahali* en *Motacilla capensis* in die goedgekeurde projekgebied.

Zutari is aangestel as die onafhanklike Omgewingsimpakbepalings-praktisyn om die Omgewingsbestuursprogram (OBP) te finaliseer en dit by die bevoegde owerheid, die Departement van Bosbou, Visserye en die Omgewing (DBVO), in te dien.

Die OBP-verslag, saamgestel ingevolge die OIB-Regulasies van 2014, is beskikbaar vir openbare kommentaar vir 'n tydperk van **30-dae** vanaf **Donderdag, 26 Junie 2025 tot Maandag, 28 Julie 2025**.

Die dokumentasie via die volgende skakel kan verkry word: <https://www.zutari.com/Kathu SPA->



public-participation. 'n Hardekopie is ook by die terrein kantoor van die bestaande KSP-aanleg beskikbaar.

Registreer asseblief deur die bogenoemde skakel te volg as u wil registreer as 'n Belanghebbende & Geaffekteerde Party (B&GP) of wil kommentaar lewer. Alternatief, kontak die Zutari Openbare Deelname kantoor by:

- **Tel:** +27 12 427 2072
- **Epos:** PPP@zutari.com
- **Pos:** Posbus 74381, Lynnwood Ridge, 0040

Stuur asseblief die kennisgewing en uitnodiging om kommentaar te lewer aan enige ander B&GP van wie u bewus mag wees.

Die uwe,

Zinzi Xakayi

Signed by Zinzi Portia Xakayi, Zinzi.Xakayi@zutari.com
24/06/2025 09:53:30(UTC+02:00)

Zinzi Portia Xakayi
Omgewingsimpakbepalings-praktisyn

Reuben Heydenrych

Signed by Reuben Heydenrych, Reuben.Heydenrych@zutari.com
24/06/2025 10:24:57(UTC+02:00)

Reuben Heydenrych
Hoof Omgewingsimpakbepalings-praktisyn

